



МОНГОЛ УЛСЫН  
УУЛ УУРХАЙ, ХҮНД ҮЙЛДВЭРИЙН САЙДЫН  
ТУШААЛ

2023 оны 02 сарын 28 өдөр

Дугаар А/48

Улаанбаатар хот

Журам батлах тухай

Монгол Улсын Засгийн газрын тухай хуулийн 24 дүгээр зүйлийн 2, Монгол Улсын Яамны эрх зүйн байдлын тухай хуулийн 8 дугаар зүйлийн 8.5, Ашигт малтмалын тухай хуулийн 10 дугаар зүйлийн 10.1.2-т заасныг тус тус үндэслэн ТУШААХ НЬ:

1. Ашигт малтмалын тусгай зөвшөөрөл олгох "Сонгон шалгаруулалтын журам"-ыг хавсралтаар баталсугай.


2. Энэ тушаалын хэрэгжилтийг хангаж ажиллахыг Уул уурхай, хүнд үйлдвэрийн яам, Ашигт малтмал, газрын тосны газар, Үндэсний геологийн албанд тус тус даалгасугай.

САЙД



Ж.ГАНБААТАР

1508 01 0130



## СОНГОН ШАЛГАРУУЛАЛТЫН ЖУРАМ

### НЭГ. Нийтлэг үндэслэл

1.1. Энэхүү "Сонгон шалгаруулалтын журам" (цаашид "Журам" гэх)-ын зорилго нь Ашигт малтмалын тухай хуульд заасан үндэслэлээр ашигт малтмалын тусгай зөвшөөрлийг (цаашид "Тусгай зөвшөөрөл" гэх) олгох сонгон шалгаруулалтыг зохион байгуулах үйл ажиллагаатай холбогдсон харилцааг зохицуулахад оршино.

1.2. Тусгай зөвшөөрөл олгох сонгон шалгаруулалтын үйл ажиллагааг олон нийтийн хяналтын дор ил тод, нээлттэй, шударга өрсөлдөх, тэгш боломжоор хангах зарчмыг баримтлан зохион байгуулна.

1.3. Монгол Улсын Их Хурлын 2020 оны 52 дугаар тогтоолоор батлагдсан "АЛСЫН ХАРАА-2050" Монгол Улсын урт хугацааны хөгжлийн бодлогын хүрээнд 2021-2030 онд хэрэгжүүлэх үйл ажиллагааны 4.2.24.-т "Геологийн судалгааны ажлыг эрчимжүүлж дунд, урт хугацаанд эдийн засгийн өсөлтийг хангах, эрдэс баялгийн нөөцийг нэмэгдүүлнэ" гэж заасан бодлогыг баримтлан Ашигт малтмалын тухай хууль, Цахим гарын үсгийн тухай хууль, Хүний хувийн мэдээлэл хамгаалах тухай, Нийтийн мэдээллийн ил тод байдлын тухай болон холбогдох бусад хууль тогтоомжид тус тус нийцүүлэн ашигт малтмалын тусгай зөвшөөрөл олгох сонгон шалгаруулалтыг зохион байгуулна.

1.4. Ашигт малтмал, газрын тосны газрын Кадастрын асуудал хариуцсан нэгж тусгай зөвшөөрөл олгох сонгон шалгаруулалтыг Ашигт малтмалын тухай хууль болон энэ журмын дагуу цахим хэлбэрээр зохион байгуулна.

1.5. Ашигт малтмалын тусгай зөвшөөрлийн сонгон шалгаруулалттай холбоотой энэхүү журмаар зохицуулаагүй аливаа асуудлыг Ашигт малтмалын тухай хуулийн дагуу зохион байгуулна.

### ХОЁР. Сонгон шалгаруулалтын үнэлгээ, үнийн болон оролцогчийн техникийн саналыг үнэлэх

2.1. Сонгон шалгаруулалтын үнийн саналыг үнэлэхдээ дараах журмыг баримтална:

2.1.1. сонгон шалгаруулалтын үнийн саналын үнэлгээг цахим системийн бүртгэл хаагдсан өдрөөс хойш нээлттэйгээр явуулах;

2.1.2. комиссын нарийн бичгийн дарга нь тоон гарын үсэг ашиглан журмын 2.1.1-д заасан хугацаанд нийт талбайн хэмжээнд талбай тус бүрээр үнийн саналын жагсаалтыг гаргаж цахим системээр оролцогчдод мэдээлэх.

2.2. Сонгон шалгаруулалтын үнийн саналын үнэлгээг дараах журмаар хийнэ:

2.2.1. хамгийн өндөр үнийн санал ирүүлсэн оролцогчид 70 (дал) оноог өгнө. Бусад оролцогчдын ирүүлсэн үнийн саналуудыг бүртгэлийн системд бүртгүүлсний дагуу хамгийн өндөр үнэтэй харьцуулж доорх томъёогоор тооцоолно.

$$\text{Бусад оролцогчийн үнийн санал} \\ \text{Бусад оролцогчийн үнийн саналын оноо} = \frac{\text{Бусад оролцогчийн үнийн санал}}{\text{Хамгийн өндөр үнийн санал}} \times 70$$



2.2.2.сонгон шалгаруулалтын үнийн саналын оноо нь 40 (дөч) оноонд хүрээгүй оролцогчийн техникийн саналд цаашид үнэлгээ хийхгүй бөгөөд цахим хуудсанд байршуулж оролцогч байгууллагуудад мэдэгдэнэ.

2.2.3.журмын 2.2.1, 2.2.2-д заасан шаардлагыг хангасан оролцогчдын үнийн саналын үнэлгээний үр дүнг цахим систем автоматаар тухайн сонгон шалгаруулалтад оролцож буй оролцогчдод мэдээлэх бөгөөд комиссын нарийн бичгийн дарга тэмдэглэл үйлдэн комиссын дарга, гишүүдэд танилцуулна.

2.3.Сонгон шалгаруулалтын оролцогчийн техникийн саналыг үнэлэхэд дараах журмыг баримтална:

2.3.1.комисс нь журмын 2.2-т заасан шаардлагыг хангасан оролцогчийн техникийн саналыг 30 (гуч) хүртэл оноогоор;

2.3.2.оролцогчдоос ирүүлсэн техникийн санал нь Ашигт малтмалын тухай хуулийн 20.5-д заасан хугацаанд (хайгуулын тусгай зөвшөөрлийн хүчин төгөлдөр эрхийн хугацаа) тодорхой үндэслэл, тооцоо, судалгаанд тулгуурласан, хэрэгжих боломжтойг төлөвлөсөн эсэхийг харгалзан журамд заасан үнэлгээний хуудас (Хүснэгт 1)-т заасны дагуу;

2.3.3.комиссын гишүүд нь баталгаажуулсан техникийн саналын оноог цахим системд байршуулна.

2.4.Үнийн болон техникийн саналын оноог нэгтгэж шалгаруулахад дараах журмыг баримтална:

2.4.1.комиссын нарийн бичгийн дарга нь оролцогчдоос ирүүлсэн үнийн болон оролцогчийн техникийн саналыг журмын 2.2, 2.3-д заасны дагуу үнэлсэн үнэлгээний оноог нэгтгэж, хуралдааны тэмдэглэл үйлдэн, дүгнэлт гаргах;

2.4.2.Нэгдсэн үнэлгээгээр хоёр болон түүнээс дээш оролцогч адил үнэлгээ авсан бол цахим системд өндөр үнийн санал ирүүлсэн оролцогчид тусгай зөвшөөрөл олгох тухай дүгнэлтийг гаргах.

### **ГУРАВ. Сонгон шалгаруулалтын комиссын бүрэлдэхүүн, эрх, үүрэг**

3.1.Комиссын бүрэлдэхүүн нь дараах шаардлагыг хангасан байна:

3.1.1.Ашигт малтмалын тухай хуулийн 10 дугаар зүйлийн 10.3-т заасны дагуу геологи, уул уурхайн асуудал эрхэлсэн Засгийн газрын гишүүний тушаалаар сонгон шалгаруулалтын комисс (цаашид "Комисс" гэх)-ын бүрэлдэхүүнийг батлах;

3.1.2.сонгон шалгаруулалтыг тасралтгүй зохион байгуулах, ачааллыг тэнцвэржүүлэх үүднээс 3 (гурав) хүртэл тооны комиссыг томилж болох бөгөөд комиссын бүрэлдэхүүний 2/3-ийг хагас жил тутамд өөрчлөх;

3.1.3.комисс нь дарга, нарийн бичгийн дарга болон гишүүдээс бүрдсэн нийт 6 (зургаа) хүний бүрэлдэхүүнтэй байна. Нарийн бичгийн дарга саналын эрхгүй байх;

3.1.4.комиссын гишүүн нь геологийн судалгаа, хайгуулын төлөвлөгөө, тайланг үнэлэх мэргэжлийн чадвар, туршлагатай, Уул уурхай, хүнд үйлдвэрийн яам, Ашигт малтмал, газрын тосны газар, Үндэсний геологийн алба болон салбарын төрийн бус байгууллагын төлөөллийг оролцуулах;

3.1.5.комиссын саналын эрхтэй гишүүдийн 4 ба түүнээс дээш нь журамд заасан хугацаанд үнэлгээ хийж, Цахим гарын үсгийн тухай хуулийн 6.2-т шаардлага



болох.

### 3.2.Комисс нь дараах эрх, үүрэгтэй байна:

3.2.1.сонгон шалгаруулалтыг урилгад заасан хугацаанд эхлүүлэх;

3.2.2.сонгон шалгаруулалт явуулах тухай холбогдох тушаал, шийдвэрийг танилцуулах, оролцогчдоос сонирхсон асуудлаар тайлбар авах;

3.2.3.ирүүлсэн бүх хүсэлт нь Ашигт малтмалын тухай хуульд заасан шаардлагыг хангаагүй бол тухайн сонгон шалгаруулалтыг хүчингүйд тооцож, дахин сонгон шалгаруулалт зарлах тухай дүгнэлт гаргах;

3.2.4.сонгон шалгаруулалтын үйл явцыг баримтжуулж, тухай бүр тэмдэглэл үйлдэх,

3.2.5.комиссын гишүүд нь Төрийн болон албаны нууцын тухай, Байгууллагын нууцын тухай, Хувь хүний нууцын тухай хууль болон бусад хуульд заасан мэдээллийг задлах, нийтлэх буюу тараахгүй байх.

### 3.3.Комиссын дарга, гишүүд нь дараах эрх, үүрэгтэй:

3.3.1.Комиссын дарга нь дараах эрх, үүргийг хэрэгжүүлнэ:

3.3.1.1.комиссын хурлыг удирдаж, үйл ажиллагаатай холбогдуулан зохион байгуулалтын арга хэмжээг тухай бүр шуурхай авч нэгдсэн удирдлагаар хангах;

3.3.1.2.комиссын үйл ажиллагаанд хяналт тавьж, холбогдох баримт бичигтэй тухай бүр танилцах, комиссын гишүүдэд шаардлага тавьж ажиллах;

3.3.2.Комиссын нарийн бичгийн даргаас бусад гишүүд нь дараах эрх, үүргийг хэрэгжүүлнэ:

3.3.2.1.комиссын хуралд саналын эрхтэйгээр холбогдох үнэлгээ хийж оролцох;

3.3.2.2.комиссын гишүүд Ашигт малтмалын тухай хуульд заасан хугацаанд багтааж үнэлгээ хийх;

3.3.2.3.комиссын хуралд тогтмол оролцож, комиссын хэвийн, тасралтгүй үйл ажиллагааг хангаж ажиллах;

3.3.2.4.комиссын хуралдаанаар хэлэлцэх оролцогчдоос ирүүлсэн хүсэлтэд мэргэжлийн санал, дүгнэлтийг гаргаж оролцох;

3.3.2.5.комиссын дарга, гишүүд нь комиссын гишүүний эрх, үүргийг нэгэн адил хэрэгжүүлэх;

3.3.2.6.комиссын гишүүн өөрийн биеийн эрүүл мэндийн шалтгаан болон бусад шалтгаанаар комиссын гишүүнээс чөлөөлөгдөх хүсэлт гаргах;

3.3.2.7.ашиг сонирхлоос ангид байх.

### 3.4.Комиссын нарийн бичгийн дарга нь дараах чиг үүрэгтэй байна:

3.4.2.нарийн бичгийн дарга нь хүсэлтэд үнэлгээ хийхгүй бөгөөд шалгаруулалттай холбоотойгоор хурлын тэмдэглэл хөтлөх, цахим хэлбэрээр ирүүлсэн сонгон шалгаруулалтын материалыг хуулбарлаж Кадастрын асуудал хариуцсан нэгжид хүргүүлэх;

3.4.3.журмын 2.3.2, 2.3.3-д заасан үнэлгээний нэгтгэлийг бэлтгэж комисст танилцуулах;

зохион байгуулах;

3.4.5.комиссын гишүүдийг шаардлагатай мэдээллээр хангах;

3.4.6.хууль хяналт, шүүхийн эрх бүхий байгууллагаас Комисстой холбоотой асуудлаар маргаан шийдвэрлэх, хяналт, шалгалт хийх тохиолдолд шаардлагатай баримт, мэдээллийг тухай бүрд нь гаргаж өгөх.

#### **ДӨРӨВ. Бусад зүйл**

4.1.Энэ журмыг зөрчсөн этгээдэд дараах хариуцлага хүлээлгэнэ:

4.1.1 Үнийн болон техникийн саналыг үнэлэх явцад комиссын дарга, гишүүн, нарийн бичгийн дарга нь энэхүү журамд заасныг зөрчиж, эрх мэдлээ урвуулан ашигласан бол Төрийн албаны тухай хууль, Эрүүгийн хууль, Зөрчлийн тухай хууль болон холбогдох хууль тогтоомжийн дагуу хариуцлага хүлээх;

4.1.2.энэ журамд заасныг зөрчсөн нь нотлогдож, холбогдох хариуцлага хүлээхээр болсон комиссын дарга, гишүүд, нарийн бичгийн дарга нарыг дахин комиссын бүрэлдэхүүнд оролцуулахгүй.



№	Шалгуур үзүүлэлт	Үнэлгээ	Оноо
1	Төслийн техникийн баримт бичгийн үнэлгээ		0-18
1.1	Талбайн геологи, хайгуулын ажлын төлөвлөлт	0-12	
	Геологи, хайгуулын ажлыг оновчтой, гүйцэд төлөвлөсөн: Талбайн геологийн тогтцыг бүрэн судалж, байж болох бүх төрлийн ашигт малтмалын үнэлгээ өгсөн байх, арга аргачлалд судалгааны ажил зохимжтой зөв төлөвлөгдсөн байх.	10-12	
	Геологи хайгуулын ажил төлөвлөсөн: Талбайн геологийн тогтцыг гүйцэт судлаагүй, хайгуулын шатны ажлуудыг ерөнхийд нь төлөвлөсөн байх.	6-9	
	Геологи, хайгуулын ажлын төлөвлөлт хангалтгүй: Хайгуулын талбайн мэдээлэлтэй бүрэн танилцаагүй, судалгааны ажлын зорилго тодорхой бус, хайх ашигт малтмалын эрлийн ажил оновчтой бус.	0-5	
1.2	Байгаль орчныг хамгаалах, нөхөн сэргээх ажил, зардлын хэмжээ, хэрэгжүүлэх хугацааг тооцсон төлөвлөлт, мэдээлэл.	0-6	
	Байгаль орчныг хамгаалах, нөхөн сэргээлтийн ажлыг бодитой төлөвлөсөн /бүрэн хангалттай/: Хайгуулын ажил гүйцэтгэхээр төлөвлөсөн уулын малталт, өрөмдлөгийн ажлын хэмжээнд төлөвлөсөн зардал хангалттай төлөвлөгдсөн байх.	5-6	
	Байгаль орчныг хамгаалах, нөхөн сэргээлтийн ажлыг алдаатай төлөвлөсөн байх /төлөвлөсөн/: Хайгуулын ажил гүйцэтгэхээр төлөвлөсөн уулын малталт, өрөмдлөгийн ажлын хэмжээнд төлөвлөсөн зардал хангалтгүй, дутуу төлөвлөгдсөн байх.	3-4	
	Байгаль орчныг хамгаалах, нөхөн сэргээлтийн ажлыг бодитой төлөвлөсөн /бүрэн хангалтгүй/: Хайгуулын ажил гүйцэтгэхээр төлөвлөсөн уулын малталт, өрөмдлөгийн ажлын хэмжээнд буруу төлөвлөсөн зардал хангалтгүй байх.	0-2	
2	Мэргэжлийн боловсон хүчнээр хангагдсан байдал болон тэдгээрийн туршлага чадвар		0-7
2.1	Мэргэжлийн боловсон хүчнээр хангагдсан байдал	0-4	
	Төслийг гүйцэтгэх өөрийн үндсэн ажилтантай буюу ИТА болон Геологичид 100 хувь хангагдсан эсэх (НДШ төлөлтийн тодорхойлолт, бусад нотолгоотой байх).	4	
	Төслийг гэрээгээр гүйцэтгүүлэх бол (ИТА болон Геологичид).	0-3	
2.2	Мэргэжлийн боловсон хүчний туршлага, чадвар	0-3	
	Монгол Улсын Зөвлөх геологич ажилладаг	3	
	Монгол Улсын Мэргэшсэн геологич ажилладаг	2	
	Аль аль нь байхгүй	0-1	
3	Төсөлд ажиллах техник тоног төхөөрөмжийн мэдээллийн үнэлгээ (Гэрээ болон хавсралтаар баталгаажсан байна)		0-5

3.1	Геологи, хайгуулын ажил гүйцэтгэх өөрийн өмчийн өрмийн, геофизикийн болон бусад техник тоног төхөөрөмжөөр бүрэн хангагдсан бол (өрмийн нотлох хавсралтууд)	5	
	Геологи, хайгуулын ажил гүйцэтгэх өрмийн, геофизикийн болон бусад техник тоног төхөөрөмжийг түрээсэлдэг эсвэл гэрээгээр хайгуулын ажил гүйцэтгүүлэх бол (Хамтран ажиллах гэрээ)	3-4	
	Геологи, хайгуулын ажил гүйцэтгэх техник тоног төхөөрөмжийн мэдээлэл ирүүлээгүй болон алдаатай ирүүлсэн бол	0-2	
НИЙТ ОНОО		30 хүртэл	